

ANIMA
PATRIS LVPI
MONACHI CHRISTIANI

S. T. DOCTORIS
Primarii Professoris Regii

Quæsitâ, & inventa

PER
QVEM DAM

ALETHINVM.


Quærendi occasionem præbuit
parœmia.

Ingratis servire nefas.

**



Anno Domini 1684



ALETHINUS PAMPHILO S. D.

V Ivis mi *Pamphile* ? & ego vivo. In somnium incidi , ab aliquibus diebus, nimis mirum. Hoc tibi ego his inclusum mitto, non alteri. At quod tu nemini imprudens exhibeas. Imprimendum illud decreveram , cum primùm mihi obtrigerat ; sed ob validas & meditata rationes mutavi animum. Quid enim ? vera sunt interdum , quæ vel nobis somniantibus accidunt. At ne odium fortè veritas pareret : id vehementer metuo. Tu interim vale : & antithesim nostram inter Doctores primitivæ Ecclesiæ , & binos Lovanienses expecta. Tum quiescent forsan hi , & desinent maledicere, malefacta dum noscent sua. Tu redamã

Tuum Alethinum.

Dabam Parisiis,

CAPUT I.

Alethinus litteras considerat, quas vario tempore recepit contradictorias.

C Ogitanti mihi , & injurias temporum animo perpendenti , nihil potius erat, quàm mentem cò flectere , unde nasci commune malum omnibus videbatur. Vix perlustraveram partem orbis aliquam : quin in angulis vel abstrusissimis, regnantem fleverim antiquum Adam. Non homo ab homine , non hospes ab hospite tutus: non Christianus à Christiano. Et, quod vel caput illicò videbatur, ii per quos condiendi sunt reliqui, dissecant sese mutuò , & dissecantur ab invicem. Deus bone ! si sal infatuatum fuerit , in quo salietur ?

Atque en , ut tacitus hæc mecum pervolvō : tra-

Auntur mihi litteræ. Ac primò quidem, ut fieri solet, inquirò cuius, & unde sint. Dissolvo chartam, legoque: *Dabam Lovani in Collegio nostro Pontificio.*

Bellè ad rem nostram! dimitto famulum. Solus pergo. **ALÉTHINE.**

CUCVLLATI nostri perditissimi sunt. Nam omni quidem modo conati erant statum morbi Patris **LUPÍ** occidere, sed, quam **STULTA EST FIDES CELARE QVOD PRODAS STATIM!** scripseram nuper nulum ad ipsum admitti, nec ipsum quidem à Facultate nostra ad id deputatum: quæ res multos ex nostris movit ut hominem crederent in insapiam redactum: vi morbi & **STULTVM** in custodia asservuari. Sed aliter habet. **LAUS DEO MORTVUS EST PATER LVPVS,** & ab octo diebus in plumbea cista repositus. Et post pauca. Certè opus Dei est, quod in hac præsertim conjectura obierit. Ipsi viderint, qui per fas nefasque in iura nostra involant. Si Dei pœnas non timeat (credo legendum timeant) **MONACHI DETESTANDI** nostra munia ambire pergant. Interim custodiat nos, & uniat Christè **CHARITAS.** Vale

à TUO PHILIPPO.

Equidem non legi hæc sine lachrimis. Quid? *laus Deo mortuus est Pater Lupus?* stultus asservatur in custodia, & acclamatur ideo *laus Deo?* *Monachi detestandi sunt, cucullati,* atque iterum, *laus Deo?* *ô charitas!* unum hoc sciebam equidem, Patrem *Lupum* meritum esse, ut memores essent sui. Ingrata *charitas!*

Circumspicio. Fortè ex armarii scrinio, chartæ prominet nescio quid. Arripio: rectèque epistolæ erant binæ, quas ab eodem hocce viro receperam, dum Romæ eram. Confero. Atque in prima offendo hæc:

Gaudemus equidem, quod, etsi sumptibus Facultatis Pater Lupus comitatus sit. Vir est integritate morum notissimus, & in Augustiniana CHARITATE ferventissimus. Quodque scribas quod illius operâ Doctores nostræ

nostri ad *SANCTISSIMI DOMINI* alloquium tam facile admissi sint, non miramur, Deus optimus bonum Patrem nobis conservet.

In altera offendor, quia memor factus horum: Paramus omnia redeuntibus victoribus. Certè ut Dominus N. nobis rescripsit, debemus totum Patri LVPO quod reconciliati simus. Oramus Deum, ut omnes videamus incolumes.

Vix mihi spatium cogitandi supetest. Tam facile mutatur *charitas*? idque propter jura: idque propter munia? *Philippe*, si hæc sint tua: dic ubi *charitatem* legeris quærentem sua. *ô charitas*!

Tam facili tempore optatur incolumis, qui modo vel infans speratur, vel cecidisse fatis? fuit, fuit, inquam, cum illius operâ vobis opus esset quàm maximâ. Recordamini. Et nunc, videro vivum non amatis beneficium, ut postremum videritis beneficientem. *ô charitas*!

Cantabo tibi toties *charitatem* istam tuam, & recantabo toties: ut *charitatem* discas vivere, quam te delectat toties eloqui. Sed neque hodie tantum in sententiam ivi longè aliam. Fatebor enim: cum juvenis essem, *charitatem* didici speculari cum *grudis*, sed, quantum mihi Dominus dedit, operari eam scivi tantum postea cum aliis. Qui hæc ergo scripsisti mihi, ne tu nobis succenseas. Nomen tuum tibi honoris causâ subiticeo: sed quæ mens mea sit de vobis omnibus, palam facio.

C A P U T I I.

D. D. Malderus & Vermius, in somnio, cum Alethino colloquuntur valdè dulciter, de Lectione Regia Patri Lupo collatâ.

Cogitatio istæ mentem meam & concoquebat, & lacerabat. & fatigabat. Vigilaveram ad multum

noctis : cum me arctior, quam solebat, somnus complexus est. Cubanti mihi adesse visi sunt senes duo, Mentis & menti præ se ferebant canitiem. Alterum aspicio ; sed quem ut vidi , equidem vim lachrimarum profudi. Ille autem me amplexus, & complexus, atque osculans flere prohibebat. atque ego : quæso, in-
 quiebam , vir grandæve (erat autem *Wermius* meus) unde mihi & quocum optatus venis ? ille breviter : hic est *Malderus* , famâ tibi quam facie notior. Tu verò quid mœstus es præ solito ? quid rerum agitur Lovanii ? edisserere.

Tum ego sic orsus sum. Scis quidem , Vir Eximie, à quo ego tempore Lovanii non vixerim : pandam tamen cum ita lubet , quid à fide dignis acceperim, Diem clauferas, cum currebatur. Sollicitudo erat major, quàm munia quærebantur quæ relinquebas, quam sancta illa , quæ tibi iusta redderet quæ exigebas. Itur, curriturque. Conclamatur Bruxellas. Lectio tua petitur scholastica. Sed ecce , multis quidem currentibus, quiescens unus bravium obtinuit Pater *CHRISTIANVS LVPVS*, Doctor de Facultate, & mundo tam bene meritus. Non fuit volentis neque currentis, sed misericentis Principis. *Gummaro* autem concessus est Canonieatus, qui usque modò fuerat Lectioni inseparabiliter annexus. Non est ita , interrompebas *Wermius*, Lectio eadem est data aliquando, ejusdem ordinis *Saludano*. Juri is cessit non coactus: per transactionis speciem , intra strictiorem Facultatem admissus.

At at , inquiebat *Malderus* , illane fortè est provincia , quam moderatus ego sum aliquando etiam ? ipseissima , aiebam. Tum ille : hoc ergo habe. Quæ modò ab hora secunda ad quartam usque, lectiones duæ sunt, fuerunt olim una. Divisus labor est : hora prior, primo mihi obtigit. Minerval erat tum floreni ducenti : idque ducenti tantum. Conquerimur. Audimur. Beneficium primum conceditur vacaturum in D. Petri

Lovanii, illudque ab *ALBERTO* Principe quondam serenissimo, lectioni in perpetuum annectitur. Vacat Canonicatus. Ii, qui de Capitulo erant, opponunt sese. Canonicatu frustrari, inquit, minus doctos. Ita fit. Romanus Præful annexionem non firmat (firmaverat autem reliquas) annexio ergo solubilis est: per ipsum maximè (quod *Lupo* accidit) per quem fatebuntur vel emuli, siqui sint (necdum sciebat hic quosdam esse obduratos) quod concepta fuerit.

Is verò addidit, si archivum Capituli perscrutari cuiquam esset integrum: extare etiam, indubiè, negotii instrumentum. Tum memor fio: hanc forsitan ob rationem capitulo succensere quemdam, quia subolfecit ille quod instrumenti nescio quid, fuerit non satis fideliter, ut quidem putabat, custoditum.

Interea rogabat *Wermius* an qui igitur Patri *Lupo* sese opponerent? Tum bis ingemini, bis silui, bis affirmavi. Ad hæc *Wermius*. Facultas illa capacem adorat à quo defenderetur: & illæ ipsa virum ipsum capacem neget, qui munusculo aliquo potiretur? & fuerit quidem ita ut dicitur: fuerit annexum Beneficium; accessorium id fuit tamen. Atque, illius naturam principale sequitur, an è contrà? lectio capaci detur, cum ita Principi lubeat: beneficiumque interea à digno alio non removeatur. Sed à digno. Quid? quod & Religiosi quamplurimi, de Papæ licentiâ canonicatu potiti sunt. Audiat hæc, & loquatur *charitas*.

Tum *Malderus*. Et verò si capaces admittantur laureæ doctoralis: capaces non erunt muneris professoralis? certè legi ego plus vice simplici, Academia Lovaniensis Professore primum, egregium fuisse Augustinianum. Non quod mens mea sit, tribuenda Monachis esse omnia! sed quod excludi omninò non debeant. Enimverò, si his isti de suo jure, si tamen jure, concedere vellent paululum, nã non hoc iis fœ-

nera-

mereret maximè ? at at, exclamabam ego, hoc est quod metuunt : via hæc si pateat uspiam Augustinianis, occludi vixdum poterit Patribus *Societatis*. Atque maledictum illud vehemens existimant.

Nunc *Wermio* pro ridiculo eram & delictamento. Numquid, aiebat, Patres illi Doctores illic sunt & Licentiati ? sed & hoc utinam ! putasne si profiteretur illic unus & alter, tantumne monstri aleretur in tyronibus ? hoc forsitan est quod metuunt : ne non tam horridè ; in adversarios debacchari, juvenus discat, atque nunc ? qui hoc illud ignorat modo, is pius non est. Quamquam tamen & ex Theologis iis, pars sit vel magna, quæ dum pacis ergò, malum foris dissimulat, bonum interim pii cordis servat. Addendum hoc : in Patribus illis debere amari, quod nullus potest sectari. Nam quidem quod illis obicitur, ab odii & invidiæ cultoribus ; contemnendum ego hoc arbitror à discipulo *charitatis*.

Verùm, ut ad rem venirem : dentes, aiebam, *Lupus* non habet, si æmulis fides est. Tum, *Wermius*, dentes non habebat dum Facultatem Romæ propugnabat ? tunc, inquam, cum illius operâ usi sunt sine superbia ? ex quo excussi sunt autem ?

Instabam ego. Contra sic argumentatur admodum Reverendus & Eximius Vir Dominus ac Magister noster *FRANCISCUS VAN VIANE* : *is lectionis capax non est, qui laborat IMPEDIMENTO ESSENTIALI* : atqui Pater *LVPVS* laborat *IMPEDIMENTO ESSENTIALI*, ergo Pater *LVPVS* lectionis capax non est. Minorem negas ? hanc ille ipse probat. *Vocem non habet qua audiri possit à Scholaribus*. Euge *charitas* !

Ad hæc risum non tenuit bonus *Wermius*, atque, ô *FRANCISCULE*, inquebat, ex quo tu stentor factus es ? nisi te noscerem ! certè aut impedimentum nullum habet Pater *LUPUS*, aut majus habes tu. Tu-
umne

tumne igitur hoc dictum fuit? alienum credo. At at, pergebam ego, acclamant Lovanienses alij, suspendi malumus, quam hoc pati. Illi certe, inquiebat *Wermius*, cum ratione insaniunt. Cum Prophetam sequuntur, non malè faciunt. Suspendium elegit anima ipsorum, cum Job 7. Sed mori volunt potius quam hæc pati? & volunt emori? discant, quæso, prius quid sit vivere. Tum in cachinnos solutus ubi, aiebat, sepellirentur omnes suspensam apud Monachos, at nolunt. An apud suos? at heres magna foret hæc ignominia. Sed o suspensiva *Charitas*!

Atque ego. Porro personam Patris *LUPI* admittere coacti sunt, per decretum *sine replica*, ut aiunt. Paruerunt, sed cum P. *LUPUM* in amentiam redactum, aut mortuum crediderunt. Infirmabatur enim plurimum. Tum illi & ex medicis sciscitari sedulo, & ex præscriptâ medicinâ perscrutari in dies, quæ viri esset salus, & quæ mortis spes. Vidisses per plateas cunctes aliquos, inhiantes obstupuisse, & anhelantes horâ omni & momento. Stultum separabant, aut mortuum, & credebant quod optabant. Sed illum stultum, cuius sapientiâ propè sunt id quod sunt? sed stultum scilicet, qui ut Augustini tueretur *charitatem*, iniquam illorum siluit falsitatem. Romæ eram.

Tum ego conversus iterum ad venerandû par ingemui de plenitudine cordis: atque, hinc illæ lachrymæ, aiebam, audiui heri per litteras, cætra de viri morte testimonia. Sed dicite mihi si videritis sanctam animam. Senes chari exhibete humilem amicum senem: videam post mortem, si liceat, quem salutem.

Tum illi oppidò sese respicere. Negare se viri animâ conspexisse: paratos tamen, si ita lubeat, mihi mecum illam quâcunque querere. Et placuit sponsio tam sincere liberalis, & primò institui mus rectâ properare ad sinum *Abrahe*, cum locus alius tam castam animam non videretur habere.

Procedentes in via offendunt D. Randaxium.

Procedimus in pace. Per locum primò subobscu-
rum, ac dein totum tenebrosum. Atque inde ubi
parum lucis affulsit, oculis sese obtulit campus amœ-
nissimus, vastissimusque. Quem cum per iter è dia-
metro describimus, rogare capit interim noster *Wermius*, de urbibus, & populis: at sigillatim quid ageret
Lovanii Eximius Gummarus?

Respondi. Possessionem hinc distulit. *Canonicatus*,
Huensis in Hispaniam profectus, donec redux esset.
Sperabant enim illi futurū, ut decretum Principis per
regem foret mutandum. Tum *Wermius*; numquid Prin-
ceps ille *Parmensis* est, cujus Avus *ALEXANDER*,
tantam in Belgio sui nominis reliquit memoriam? est
ipse, aiebam, tanti parentis proles non degener.
Tum *Malderus*: interim cum in Hispaniam proficis-
ceretur *Huensis* istic, quid est, quod *Canonicatū* Prin-
ceps non traderet alteri, quo *Gummarus* indignum se
reddidit? aliquid responsurus eram: at interrupit *Wer-
mius* rogans: sed quid de *charitate*?

Charitas, inquiebam, cara est aliquibus non chara:
Charitas aliquorum, instrumentum est persecutorum.
Audi tamen nescio quid, subungebat *Wermius*. Ip-
se forsan melior recordatur, *van Viane*. Quis est Ro-
manus ille, qui durè quemdam increpans dixit, au-
dio quod male vivant in Belgio, cum Religiosis. Tu
igitur cum illic appuleris, refer meo nomine isti scan-
daloso.

Perrexissetque *Wermius*, nī voce subitā appellan-
tis, interrumpatus fuisset. Bona dies! exclamabatur,
bona dies! respicimus. Atque ecce, sese oculis of-
fert non ita pridem vitā functus *Randaxius* oruditissi-
mus. Atque, o! inquiebam, vir amantissime, quā
opportunos ades! atque ille quo properatis viri ami-
cissi-

cissimi & dein *Wermius*, Patrem *Lupum* è vivis cessisse, vivus hic nobis nuntiat *Alethinus*. Quærimus pi-
am animam. Cui ille. Sed cum peregrinus sit nobis
ille, vosque hospites chari, cur non interea ad no-
vam *Babylonem* seceditis? Nos neque quid hæc Baby-
lon esset cogitavimus: neque an talis esset uspiam. An-
nuimus tamen *Randaxio*, propter ea quæ narrabat
tum nobis de hoc loco, magna multa mirabilia.

C A P U T I V.

*Describitur nova Babylon, & quid circa illam Ale-
thinus miratus sit.*

CUM næ vix stadium confeceramus alterum, pro-
minens in valle castrum conspicitur, structura vi-
debatur insignis, sed quæ præ arborum multitudine
spectari satis non poterat. At hiccine, cogitabam, est
Babylon nova? cur non in monte posita? an quia,
quod de loco subterraneo quodam apud *Minucium
Cacilius* objicit, ut hunc incoleret lucifuga natio, in
publico muta, in angulis garrula?

Accedimus. Tum inter pecora pascebantur alia, vac-
cæ numerosæ, uberibus plenis & lacte distentis. Ad
mulctram parabantur: nec nisi viris senibus & decre-
pitis id curæ erat. Mulierculas munus illud ambientes
plurimas, vir nigrâ indutus abigebat flagello.

Tum *Wermius* virum alloqui. Cur, precor ô homo,
(sed homo!), sexum illum ab officio impedis? non
te miseret ætatis decrepitæ, cui possent illæ cum lau-
de succurrere?

At ille, Apage, inquit, hoc ut illarum sit. Homi-
nes sunt. Ac nescis tu, ô quiquis es, quantis natum
sit, inter mulgendum, eas ludificari modis? ô chari-
tas! ad hæc *Wermius* ridere, sed *Malderus* irasci. Quid
est, inquit, peccata docere nova, si hoc non est?
equidem quod sciam ego, de hoc se crimine non ac-
cusarunt vel impiæ.

Ego interim cum hæc fierent ad fabulas conversus illarum : nihil adeo in harum ore notavi, quam virorum & mulierum secretorum nomina, quæ pudoris causâ pertranseo. Inquirere libuit, unde & sexus ille, & ætas ista hæc inaudierit. Deus bone! intellexi quod vir flagellans ille, illorum auctor esset omnium, cum pimis liberè, de carnalibus fugiendis differeret. Retuli hæc nostris: sed tum *Wermius*. Sæpe etiam id displicuit, quod tam facile nostri, non in sedilibus confessionum, sed & ex cathedris, in copulas invehantur conjugales, solius voluptatis causâ exercitas, & ejusmodi, quæ venialia sunt tantum ex ipsorum sententiâ, cum tam multa sint mortifera à *charitatis* zelo extirpanda. Audiât ista *charitas*.

Porro inserim cum cogitarem iterum, hæccine est Babylon nova? & concupiscerem videre omnia: miræ structuræ castrum apparuit. In limine, in porta, in fenestris, ubique, inscriptio erat *charitas, charitas*, & iterum atque iterum *charitas*. Dubitare vix poteram quin ii qui habitabant illic homines, *charitatem* conclusam haberent in pixide. Sed pax sit rebus, audite cætera. Ordine cuncta erant non recto. Fundamenta nulla, nisi gigantes superbi, qui fastu suarum manuum, machinam librabant in aëre. Et fundamenta nulla? arces, totâ fabricâ erant minores. Nulla esse poterat conversatio in cœlis. Fenestræ erant angustissimæ: sed angustissima porta unica: ut quæ vix uni transituro sufficeret. Manus apprehendimus invicem; sed istud nescio, quomodo intraverimus. Hoc scio, optasse plurimos ut ne intrassemus.

Castrum hoc non in quadro, sed in circulo positum erat: vallumque appellabant, quod ego in medio castrî stagnum conspexi. *Randaxius* intereâ, cum admirabilem structuræ rationem exponit, ecce rem admirandam! puellæ plus viginti, ephod lineum deferunt ad aquas. Eunt, lavant, redeuntque flentes. Ego

admirari, & causam tantæ ineptiæ, quam quidem, un-
 occurrebat, insaniam vocabam; exquirere. Tum una
 exposuit genus illud pœnæ est huiusmodi. Totâ nocte
 in ephod istoc quiescimus mædefacto. Itâ voluit, qui
 sacramentaliter nos absolvit. Erat autem frigus asper-
 ritum. Tum cæpit irasci *Wermius*, illiberaliter, in-
 quiebat, factum, atque si ita liceat loqui, immiseri-
 corditer! hoc est, & hoc est tandem, Sacramentum
 exponere odio christianorum, & fabulis hæretico-
 rum.

Placuit hoc mihi subungere. Evēnit res istæ etiam
 non ita pridem Loyanii. Tum puella quædam in pe-
 riculum vitæ abducta est medicinâ animæ, vix resti-
 tuta sibi postmodum per medicum corporis. Rogan-
 ti autem *Wermio* quis medicus fuisset animæ, tam in-
 felicis, quod in tales manus incidere, responsum non
 dedi. Sermōnem diverti, propter antiquam viri ami-
 citiam. Indicare *Wermio* Confessarii nomen non vo-
 lui, ne huic nimium forsan ille succenseret. Fuera-
 t enim Dominus *Gummarus Huygens*.

C A P U T V.

Alethinus incidit in Charitatenfes.

Cum ista cogitarentur interea, & agerentur: ocu-
 los in altum sustuleram. Videram, & ô me! vi-
 deram: risum teneatis amici? videram, inquam, ol-
 feceram, tetigeram, sapueram, audiveram *charitatis*
synagogam. Nil mihi *Wermius* modò, cum *Maldero*:
 nil *Randaxius*. Advolo. Sed res tota superiùs ageba-
 tur. Fortè fortunâ scalas reperio. Erigo modeste, &
 scando. Rectè eò pervenio, ex quo fenestra pater, un-
 de videri omnia, tum audiri poterant. Picturam con-
 spicio, in qua *Franciscanus* quis, lagenisq;, pullisque,
 aliisque vestitus problema fit. Multos etiam video li-
 bellos; sed rebus intendo malis quæ audiri, quam quæ
 poterant videri,

Atque in primis tam familiariter sese mutuo appellabant *charitatenſes*, ac ſi *charitas* fuiſſet mater illorum omnium. Ego apud me cogitabam, *charitatem* quidem loqui pulchrum, ſed *charitatem* vivere eſt neceſſarium. Sciebam, quod *charitas* non eſſet virtus oris, ſed cordis. Sed cum ſermonibus aliquamdiu eſſem intentus iſtis; cognovi quod nihil magis loquerentur quam *charitatem*, & nihil minus intelligerent.

Quanta tunc intellexi! ſermo illorum, quantus quantus, erat *charitas*: at ſermonis exitus, quantus quantus, odium erat & invidia.

Nihil erat quod morarer diutius. Generoſo animo caput per fenestram promitto (an in corpore, an in anima neſcio, Deus ſcit) & cum Apoſtolo inclamare incipio, *dies mali ſunt*: intendensque in eum quem Præſidem noveram, ingeminabam *dies mali ſunt*.

Interroga cor tuum, inquebam cum AUGUSTINO in pſal. 98. Vide utrum *charitatem* habeas. *Interroga cor tuum*, repetebam; ſed vide, ne quando viſcera interrogas mentis, respondeat tibi lingua tui corporis. Eſtne *charitas*, proſcindere fratres tuos in Chriſto? ſint Monachi: ſint Chriſtiani. Si reperis in illis peccatum magnum magnum! at humanum tamen: bono animo eſto, cum tui ſint perſimiles. Si, ut graviffima ſuggeram, ex illis reperis famoſos apoſtatas: cogita quod eadem pravitas hos fecerit deſertores, quæ te cum tuis facit Monachiſmi oſores. Eſtne illa *charitas*, ſpargere, & legere, & fovere libellos, adverſus Fratres Tuos, famoſos? eſtne *charitas* in illos invchi vel de cathedris, non ut corrigantur, ſed ut contempnantur? ſaltem hoc habe: quod tibi non vis fieri, hoc alteri non feceris.

Interroga cor tuum. Vigne hâcitur ad aſtra: die quod vis, oclama ut vis, iura quod *charitatem* habeas, non tibi credam in æternum niſi opera *charitatis* exhibeas.

CAPUT VI.

Alethinus evitatâ charibdi in scyllam incidit.

Dixeram propemodum satis. At metuens ne correptionem meam fraternam secus illi acciperent, ne docerent: pedibus alas indidi, celeriterque abscessi. Sed me milerum! omnis eis *charitas* in fenum abiit. Unanimiter impetum in me faciunt, quia bene locutus sum. Iniquo animo id tulerunt, quod *charitatem* vocati sunt, & volunt tales esse, & nolunt tales dici! ô *charitas*!

Conclamatur interim, ad furem, ad furem. Et rectè quidem meâ sententiâ; nam furatus illis fueram omnem *charitatem*. Lapidor letamine, & poculis & testis, & omni tum tempore reperibili. Totus madefactus ego non abibam, sed avolabam. Et, ut imprudentes fuerant, libellum colligo, quem cum testis unâ & poculis è fenestra eiecerant.

Portam intro, quæ patebat; abstersurus ita madidum. Sed ecce, ut fieri in somnis solet, illicò reperibar inuidissimus. Memet considero, & ubi tutus sim. Sed ecce iterum error peior priorè; charibdim evaseram, scylla succedit. Terra, in qua sto, mala est. Attollo oculos. Offendo titulum, sed offendor amplius. Lego: *SYNAGOGA APOSTOLARVM CONFIRMATA A D. D. N. N.*

Obstupui steteruntque comæ, & vox faucibus hæsit. Quid? cogitabam? synagoga Apostolarum? & confirmata synagoga, & Apostolarum synagoga? ventante forsân *Apostolo* docere permittitur sexus hic docere omnino adolescentulas, ut viris suis subditæ sint: docere pueros formare crucem, orationem Domini-
cam & ejusmodi.

Surgens autem una de medio sororum, dixit: viragines sorores audite me. Gratias agamus Domino Deo nostro, qui nobis dedit æquè ac viris, arcana
scru-

scrutari de altis mysteriis. Disputatio nobis erit hodie de gratia & prædestinatione.

Tum quidem omnes arripuere Biblia. In mensa libri erant multi alii quos Sanctos Patres nominabant. Quæstio prima fuit, an gratiæ Dei in statu nature lapsæ posset resisti? omnes negaverunt. An omnibus detur gratia sufficiens? omnes negaverunt. An prædestinatio sit facta independenter à præviis meritis? omnes affirmaverunt. An Christus mortuus sit pro omnibus? omnes negaverunt. An plures viri sint damnandi quam fæminæ, & an plures fæminæ prædestinatæ quam viri? hæc in partes itum est. Alijs distinguuntibus, affirmaverunt aliæ, aliæ negaverunt. Sic argumentatæ sunt plurimæ. Omnis damnatio est à viro, atqui vir producit viros, ergo plures viri damnati sunt. Aliæ autem sic. *A muliere initium factum est peccati.* Eccli. 25. 33: ergo illa, & non Adâ, genus perdidit. Ergo suum sexum potius, quàm virilem corripit.

Tum chaos subortum est. Uti enim genus illud hominum ad rixas melius quam ad pacificam disputationem natum est: Jurgium exoritur gravissimum: ite clamor cælo. Clamitant omnes simul eodem tempore. Perguntque esse mulieres. Biblia volabant, discerpebantur chartæ, scamna & sedes. Defessæ interim quieverunt. Atque tum quæ præfederat antea, exsurxit. Monitura sorores charitatis sororiæ, cæpit aliquid ex Apostolo accommodare. 1. Corinth. c. 11. *Audio scissuras esse inter vos, & ex parte credo..... & alia quidem esurit, alia autem ebria est. Numquid domos & plateas non habetis ad rixandum & litigandum? aut synagogam nostram contemnitis, & confunditis eas, quæ non habent? quid dicam vobis? laudo vos? in hoc non laudo. Concludam tamen brevissimè, quod frustra volueritis in variam sententiam abire. Dicendum enim fuerat, quod rectè aequalis sexus erit Adæ & Evæ, prædestinatus & reprobis.* Tum apertè in cæ-

chin nos solutus sum. Audiebar. Accurritur ad me. Sed lapidari amplius non amans abscurri, & me cum aliis ad Sacellum recepi.

C A P U T V I I.

Quæ viderit Alethinus in Sacello.

Hic primùm ego in genua procidi, aliquantulùm oraturus. Cum ecce (nox ista nonne admirabilis fuit?) ante me orantem conspicio mulierculam. Orabat vehementer. Scrupulis ego eam divexari existimo. Ultrà scapulas illius erigo memet paululùm. Libellum, quem manu terit, furtivè lego.

Sed execrandam hinc, si alibi, reperis sententiam. De necessitate mediæ est Deum credere incorporeum, nos sine Dei gratia nihil posse. Et hoc in templo prælegitur! quid est aliud hoc ipsum, quàm novum symbolum condere; & anathema perpetuum incurrere, quod à Nycena Synodo ad usque nostrâ hæc tempora est derivatum?

Deus quidem est incorporeus: sine gratia eius nil possumus. Sed quâ gratiâ? an illâ quæ efficax dicitur, an quæ sufficiens? an gratiâ quæ data est omnibus, an quæ negata est aliquibus? gratiâne forsan istâ, quam nobis meruit, qui mortuus est pro omnibus, an qui mortuus tantùm est pro prædestinatis? satis hoc atque nimium. Dum cuique incipit esse liberum, sua sensa redigere in symbolum: quid jam Synodis opus erit, aut Papis?

Damnati sunt omnes igitur, qui ante Pelagii condemnatos errores, sine pertinacia tuiti sunt, quod postea hi perversores? & nescitis, inquit Apost: 1. Cor: c. 3. v. 2. *Quia Templum Dei estis & Spiritus Dei habitat in vobis*: ubi de animalibus loquitur, etiam antequam incorpoream, quæ ubique tota est, Dei valeant nosse naturam: ut ep: 57. circa medium *AVGVSTINVS* interpretatur?

C.

Cre.

Credebam ego quod & fidem aliquando fabricaturi essent ejusmodi, quâ Monachi crederentur..... ad alia me interea *Randaxius* evocat. Protrahor ad Sacelli medium. Catêchisabatur juvenis. Egomet tunc mecum in animo doctrinam considero. Sed quod iniquitas illorum omnium, radicem miserit intelligo. Actum est. Docebatur tenella ætas sententias, quas nî abjuret cum adoleverit, iniquitatis finis non erit.

Director pusionem interrogat. Estne arbitrium nostrum in Adamo perditum charissime? est domine, inquit parvulus. Optimè, subjungit Dominus: & pergit. Daturne omnibus gratia sufficiens? non Domine. Optimè, mi parve. Christusne mortuus pro omnibus? nullo modo Domine. Bellissimè ô charissime. Pro quibus ergo non est mortuus? non pro Juda Domine, non pro reprobis. Tum Dominus: ô optima tempora! laus Deo, hos dies vivimus, quibus veritas tandem à parvulis agnoscitur.

C A P U T V I I I.

Quid viderit Alethinus in Bibliotheca?

O Ppositurus eram manifestam AUGUSTINI doctrinam: at sequebar, & ita decuit, contubernales meos. Invenis dux erat nobis egregius, Bonæ Spei, vestitus, sicut vestiri Theologi Lovanienses solent. Parentes illius noveram, qui quàm probissimè educaverant filium. Dolebam, quia timebam ne & huic accideret, quod contigisse memini aliquando mihi. Facile juvenis inscipit præjudicium.

Hæc dum mecum repeto, Bibliothecam subimus instruatissimam: Opera S. *Augustini* litteris descripta aureis. Capsulæ erant aureæ, sermo aureus, aureus ordo, & cuncta erant aurea, propè quale de solis currû scribit *Ovidius*. At & hoc ne missum faciam, ubique erat depicta *charitas*. Indignabamur, quod auderent

derent iterum de *charitate* loqui.

Varii erant tituli : legere erat , *Complutenses* , *Conymbricenses* , *Salmanticenses* , *Sorbonicos* , & denique *LOVANIENSES*. Oculos conjicimus in libellum cui titulus abrasus videbatur ex industria. Erat autem *LATOMI* liber *DE MONACHORVM institutis & votis*. Pudebat scilicet *charitatem*, virum hunc suum de illorum æmulis scripsisse tam fideliter,

Vidimus illic & *Molanum* , *Driedonem* , *Fromondum* , *Rosmundum* , *Iansonium* (non *Iansenium*) sed & *Iansenium* utrumque , & opera ipsius , qui tum aderat *Malderus*. *Adrianum VI*. *Lancelottum*, *Tapperum*, & utrumque *Baijum* &c: extra ordinem vidimus volumina ingentia decem. & cur , inquiebamus , nullo sunt istæ loco ? tum juvenis. Gravis , inquit , desuper est contentio. Lis agitur inter Bibliothecarios, an & quis illis locus conveniat. Aliqui inter Theologos disponenda censent , inter Historicos alii , aliique inter sanctos Patres.

Convolamus ad titulum. Inscriptum erat litteris argenteis : *VAN VIANE DE M.* thesaurum repereramus, quem nullus potuit. Sed quid titulus hic sponderet *van Viane de m.* , hoc equidem non intellexi. Si *charitas* , aiebam , per M. scribi inciperet : de *charitate* hæc esse crederem. Tùm nos litteram M. per vocales quinque duximus , a. e. i. o. u. A , de *materia prima*. E. de *Medicina*. I. de *minutis*. O. de *morositate*. V. de *Musica*. At at, exclamabat *Wermius* , erit forsitan de *Mastellis*. non est ita , inquiebat juvenis , est de mirabilibus magni mundi. *Malderus* aperit. Sed (res malè facta !) per inadvertentem incuriam negligentis amanuensis , legi non poterant : atramento enim albo scripta erant omnia.

Exeunt Babylone. In via examinant Philippum Ianssenium, & causam Monachorum.

Atque jam primùm jociati eramus propemodum, sed quas nugas omisimus conversi ad seria, & ut illic libros conspeximus Patris *Lupi*, Juvenem rogavi quid de operibus his & viro hoc censerent sui. Is laudavit, & virum, & opera. Sed sed: laborabat communi vitio sed: deplorandum erat quod esset *Monachus*. Ô *charitas*!

Atque, jam inde Librorum titulus, Patrem *Lupum* PROFESSOREM exhibebat REGIVM & PRIMARIUM. Recordabamur autem tunc, cujus causâ tantam itineris susceperamus molestiam. Valedicimus omnibus, castrumque deferimus. Subitòque illud in fumum solutum erat, quasi numquam fuisset. Quæ res *Malderum* in hanc sententiam movit ut diceret, *stabile non est. & firmum, quod fundamentis solidis non est innixum.*

Perquirimus. Atque ut me aspicit *Wermius*, quis libellus, inquit, ille est, quem manu teris? erat verò is, quem cum testis & poculis *charitatenses* per fenestram ejecerant. Aperimus, legimusque: & librum *flandricum* esse vidimus, cui titulus *PHILIPPVS IANSSENIUS*.

Ut illum *Wermius* cepit legere, & hæc, inquit, causa est Monachi, *Patris Gabrielis*. Tum rogat me *Malderus*, qualis illic esset. Respondi ego, pro animi sententiâ: virum esse & insigniter doctum, & timoratae conscientiae: at usque adeò strictissimæ sententiæ irretitum, ut immemor videretur se esse Monachum. Hæc res *Randaxium* cum *Wermio* persuasit, paginas hæc breves breviter concurrere.

At familiariter mecum sic agebat *Malderus*. Patrem *Gabrielis* reprehendis? reprehendendus quam maximè.

maximè. *Monachus* ille causam agit adversariorum. causam tu agis illorum. At hoc negabam. Non acta, inquebam tueri me, sed jura. De aliis ipsi viderint. Causâ me permotum hâc: quod invidorum inscitia, *Monachos* velit expugatos, cum ignoraret maximè, quâ essent viâ impugnabiles. Consideravit id *Malderus* vehementer.

At, pergebat, oportetne igitur tam laxum esse? neutiquam, aiebam, cognovisti enim me. Medium tenebo semper. Sine *charitatis* initio, salvum neminem esse credo, aut tutum. Sed extremum illum rigorem, quem ne ipsi quidem perferre volunt aut possunt, impugno. Annuebat. At, inquit, quæ summa totius litis est?

Tum ego: si illi quos, quidem per abusum æquè ac per contemptum *Monachos* vocant, ex elemento simplici panem possent excutere: tum gratis possent deservire omnibus. Nunc Tempia aperiunt, quin & diebus festivis, sepulturas admittunt. Indigent. Aliàs amici forent adversariorum suorum ad aras usque. Appagè, aiebat *Malderus*: qui onus sustinent cum cæteris, commodum & sentiant cum reliquis.

Et hinc aiebam, maledicta in eos congerunt quamplurima: nec eorum dignitatem reveriti (age mitto dignitatem) nec suæ, inquam, *charitatis* memores, verbum de illis possunt, quia nolunt, conferre pacificum. Atque ut dignitatis memineram; euge! subdebat ille, uter tibi jure dignior videtur, *Monachus* an *Canonicus*? lepida quæstio æquè ac faceta! intendito: & sic arguo. Dignitas rerum in rebus ipsis est. Habito, quid in utroque sit, facile solvetur quæstio. Ac *Canonicus* quidem characterem habet Sacerdotii: sed & *Monachus*. Beneficium ille obtinet, & servulum, & ancillulam. Sed præferendus sit propter hæc? præferendine Sacerdotes illi Presbyteris, qui tempore Apostolorum vivebant in communi: at

si Patres, inquires, legamus, Clericos Prælatos semper *Monachis* videbimus. At *Monachis* Laïcis. *Monachi* enim Clerici, ut sunt Clerici, pares sunt Clericis: ut sunt *Monachi*, digniores sunt sæcularibus.

Porro ut ad rem redeam, maledicta lubet recensere aliqua. Uti existimârunt *Bajani* aliqui quod quidquid facit servus peccati peccatum sit, sic & cutem prius dimissent nostri, quin quidquid facit *Monachus*, id factum malè sit. Non ita pridem in Templo quodam Fratrum Minorum unà mecum Sacro interest solemnissimo, nescio quis Presbyter sæcularis. Interludentibus organis, voce unanimi certè mulcebant animos. Dicam quod sensi tum. Potius erat mihi cantum illum audire, quàm quamvis musicam. Re absoluta discedimus. Nec nunc istud miror amplius, inqueiebam, dulcisonis Ecclesiæ modulationibus, permotum aliquando *Augustinum*. Et nequè hoc miror.

.... at interrumpor: quid, ait meus, hæc te commovent? hypocrisim non vides? Cantant hi solùm ut populum alliciant, non ut Deo placeant. Justâ movebar iracundiâ. Et cantent illi, aiebam, populum ut alliciant christianum, benè faciunt & rectè: vos autem qui discordi tono sic canitis, ut scandalizetis sæpius populum hæreticum, turpiter facitis & pessimè.

Animadverterat *Malderus*, quod de maledictis illis dicturus eram aliud: auscultabât. accidit, pergebam, à mensibus circiter tribus id quod narro. Collegium aliquod *Patrum Societatis* mihi notissimum; & ubi sum interdum quam familiariter, visurus amicus meus aliquis, rogat ei ut à latere sim. Placet. Experturus ego, noster quid in animo gereret, simulabam illic me nihil noscere. Templum invisimus; atque, inquit, nonne Patres hi superbis ubique gloriantur fabricis? tum ego, hic locus sanctus, est Dei, non illorum Patrum, gloriantur credo in illo. Tacebat. Septa subimus Collegii. Atque obvijs fit nobis coquus cum

cum aliquibus clavibus. Tum noster hunc portarium existimans, hem, inquit, Pater à portâ, Rectorem cupio. Tum coquus: nescio is ubi sit, cum venia, nostra curo: & discedit.

Ægrius id tulit noster, & quæ hîc, inquit, regula est? pinguemnè adèò ad portam poni cui difficile sit vocare quem quærimus? credo, aiebat, non hunc aliâ de causâ statutum, nisi ut *Societatis* calamitates vultu exhibeat. interim sese offert hortulanus: qui, quia iturus erat foras, ex veste dignosci non poterat Sacerdos an esset, utrum laicus. Modestè nos hic intromittit. Locus erat nobis dignus, ubi pictura hæc erat. *S. Franciscus Xavierius* veste indutus *Societatis*, catechisabat rudes.

Tum noster hortulano, quem quidem Patrem existimabat graviorem coquo. Reverende Pater, aiebat, vos quidem liberè sanctum hunc *Societati* adscribitis. Bonus hortulanus respondendo non erat. At cautus audi quid egerit. Hem? inquit, quantum doleo quod nunc rectè foras mihi cogitandum sit. At nihil perdemus spero nihilominus. Occasione, quæ dabitur proximâ ostendam evidenter tibi, id quod petes. Unum dico, litem illam, quam moves ab annis trecentis & amplius compositam. Recessit. Sed heu! quantum debacchatus est noster! à trecentis annis, inquit & istud amplius? boni Patres non sapientiùs insaniunt?

Ego porrò, mi *Maldere* ut brevis sim, pandere tibi non possim, quàm infeliciter hic illâ die inciderit in contraria. Nunc Sacristam Ministrum credidit. Nunc rudimentorum Magistrum, putavit Præfectum &c: Ineptiam conclusit omnium. Sed adest Pater Rector. Noster, mirari viri elegantiam. Atque hic, aiebat, prestabit cunctis reliquis. Noveram. Post multa cum hinc & inde occuparetur, modestè ego ad aures Patri Rectori significo quid actum sit. Tum ille, ducam

eam eum cautè, inquit. Advocat portarium, Stipendiis ille omnibus, & quotquot domi essent noscebat & ubi essent singuli ad unum omnes. Dimittitur. Sacrista exactissimè noverat quæ ad Templum spectabant, & ad Sacristiam omnia. Tum ad hortulanum convertimur, qui redux erat. Erubuit noster, in hortò videre eum, quem libello impetere vel jam inde instituerat. Tum P Rector. Hortulane mi à quot annis è vivis excessit *Franciscus* noster? ab annis inquit centum, & prope quinquaginta. Cur ergo trecentos respondisti huic, reponit Rector? ad hæc ille. Si me ille hortulanum scivisset, responsum intellexisset. Dum sero, duplum paro ut certò mihi saltem supersit simplex. Hoc egi. Tam incertus eram de iis quæ rogabar, quàm de fructibus quos expecto. Duplum intendens respondi trecenta, medium manet centum & quinquaginta. Risum emisimus. At coquus supererat. Quem ut vidit noster loquentem tersissimè linguam suæ culinæ: præ confusione insalutatis omnibus recessit. Sed & monui illum postea. Vides, aiebam, reliquias corpora esse. Membra constant. Hoc portam custodit, illud campanas trahit, & illud consequentias. Opponite Sacristas Sacristis, Rectores Rectoribus, Doctores vestros Doctoribus illis, invenietis dispares.

Tum *Malderus*. Non legisti umquam *Alethine* quod ii qui civitatem dederant, sese in adversariorum munimenta coniecerint, & felicius illam recuperaverint? legi, quidem aiebam. Atque ille. Hoc est quod amarem fieri: ut omnes Monachi & Antimonachi vestem & jura mutarent: putasne aliquem non mutaturum sententiam? lepida metamorphosis, aiebam, quæ omnes docet convenire potius & à diæteriis abstinere perpetuis. Sed cum hæc impossibilis sit, placuit rogare *Malderum*: nihilne esset illi consilii, quo partes infensæ usque adeo, conciliarentur sibi mutuo?

Est aiebat. Primò persuadendi sunt Senatus, Lovanienſes aliquos arrogare ſibi pluſculum. Ad ſenatus quosvis appellant ad ſenatus quolibet, à Principibus ad Reges, à Regibus ad Papam, à Papa ad placetum (potius placitum) & ita ludificantes omnibus, appellabunt aliquando etiam ad futurum iudicium.

Alterum eſt, inducendos religioſos pleroſque, ut omiſſis quaſtionibus aliis, convenientes cum Patribus Societatis, ſequentia examinent diligenter: quid & quotuplex ſit ſimonia? quæ obligatio audiendi verbum Dei in Parochiis? ubi ſepeliendi homines? an Papa permittat Eccleſias Religioſorum ſicut permittit Romæ lupanaria? cujus munus ſit predicare verbum Dei? (de Episcopis non ago) quales pœnitentiæ injungendæ in confeſſionibus? qualiter examinari & admitti debeant ordinandi? qualiter erudiri juvenus? qualiter præſtandum opere quod docetur verbo? quis primò docuerit Lovanii, Monachus Auguſtinienſis, an alius? quid ſit ingratitudo? ultimò an rectè mendicitatem aliqui obijciant aliis, qui mendici ſunt virtute, ubi plerique eorum tales ſunt à natiuitate? & ejuſmodi. Hiſce & ſimilibus humiliati, ad pacem erunt parati. Nullas modò pacis conditiones admittunt, ſed gauderet tum brevi Eccleſia cum ad ædificationem catholicorum, & hæreticorum confuſionem, ſpontè illi ſe ad pacem componerent. Non enim culpa eſt omnium, ſed aliquorum.

C A P U T X.

Regreſſio ad Philippum Janſſenium.

A Bſolverat interea cum *Randaxio Weymſus*. Atque, inquit, odium querit ſibi auctor hic *Philippus*, quiſque ille ſit. Cur, ſi ignorari velit, *Janſenius* vocari cupit? præterea. Impoſitam tituli (*MORALIS DIABOLICA*) expunctionem ex libro *P. Gabrielis*,

factam ait, quia sonabat duriusculè. Sed ô diabolica duriusculeitas! duritiem appellèt rotundam, Expunctiones insuper agnoscit alias, correctionesque tot tantasque: sed totum pro Patre *Gabrielis*. Totum contrà adversarios, nihil contrà ipsum. Correcta sunt quia obscuriora, & aurium utcumque aliquando offensiva. Omnia tamen adeò, ut adversarii magis confutarentur aut saltem confutentur.

Sed oro te, mi *Philippe*: Patet *Gabrielis* Romam evocatus est ad præmium, an ad scrutinium? & liber ejus prohibitus est ad laudem, an ad examen? ad examen utique, & ad scrutinium. Porro hoc te rogo, adversariorum sententia, quos tam liberaliter *Iesuitas* hominas, à sacra congregatione intellecta fuit prius nec ne? mitte precor id quod scio, dic quod rogo, an Patet *Gabrielis* Doctos illos Romanos docuit? non docuit opinor. Sciverunt ergo quid *Iesuita* docerent, antequam hunc citarent. Et audes concludere, non rogatus, quod opotensum hoc examen, evocatio viri religiosi, prohibitio libri saltem ad tempus, expunctio nonnullorum, & correctio plurimorum facta sit tantum ad confusionem adversariorum? Bona Dies.

Nullam deinde in re diversitatem asseris inter correctà puncta & corrigenda: oculos non habemus? utinam quidem scrupulos scrupulis addere liceret per otium! licet tamen spero aliquando etiam. Sed utinam hæc Romæ dixisset P. *Gabrielis* ipse.

Tum *Malderus*. Legi, quantum recordor, apud *Ruffinum* l. 10. hist. c. 11. *Arium* tam versutè persuasisse se catholicum, ut *Constantinus* catholicum crederet iisdem verbis, quibus intelligebatur *Arius* ab Arianis. Et quia fieri hæc posse cognoverat *Leo* Papa monet ideo *Nyctam* Aquileiensem ut pelagianos hæresim abjurare cogat urbes apertissimis. Ep. 86.

Omnis quidem similitudo claudicat! aiebat *Wermius*, Patrem enim *Gabrielis* errasse non crediderim

ex malitia. Sed hoc scio, malè facturum illum si approbaret *Philippum Janssenium*. Certum enim esse, mentem non fuisse Romanis, ut apertè profiteretur non se errâsse.

Sed ita *Philippus* arguit. Sicut non indecorum est, si auctor quispiam in secunda, & tertia editione opus auctum esse dicat & correctum, sic laudabile esse Patri *Gabrielis*, quod opus suum correxerit. At non advertit *Janssenius*, quod in auctore isto spontanea laudetur humilitas, in hocce vero coacta possit reprehendi necessitas? certè si *Philippus* spontè se in carcerem conjiceret, extolleretur pœnitentia; at si de mandato Papæ in sancti Angeli Romæ deponeretur non æstimeretur pœna. Laudabile proinde esset si agnosceret culpam, & ultrò ageret pœnitentiam.

Gavisum etiam ait Patrem *Gabrielis*: quod Sacra Congregatio tanto illum honore affecerit, ut viri tanti, operis ejus correctionem interceperint. Sed gaudere poterit, non minori jure fur, qui in foro honoratur consortio nobilissimo, dum flagellatur, ut emendetur. Interponebam ego *Alethinus*, certè cum hominem Romæ vidi, lætitiâ tantam in ejus vultu haud notavi. Hoc tamen audio, quod præ gaudio exultabat, quando redux Alpes transiverat.

Postremo *Wermius*. Addit *Philippus*, quod correctis aliis illa quæ supersunt approbata putanda sint & canonizata. Quasi vero emendatis quæ tolerari non debebant, approbata sint, quæ dissimulari poterant. Et nonne quæ hodie dissimulata sunt, cras aliquando damnata fuerunt? Certè canonizationem operis sui numquam predicavit modestia *Augustini*. Retractationes ille scripsit. Nec abrasit tantum in uno, quantum expungere ille jussus est ex suo. Verum asserit *Philippus*, suum sibi cognitum adversarium: haud nosceres, tu *Alethine*, *Philippum*?

Libellum tum ego arripui, videntque flandrizzata

verba nescio quæ, & styli contorsionem nescio quam, collegi *Philippum* flandrum non esse scio quem.

C A P U T U L T I M U M.

D. Horenbeeckius nuperrimus Gandavensis Episcopus aperit ubi anima Patris LVPI sit.

A Ppropinquamus interim optato loco. Deliberamus quid facto opus: cum ostium sponte sua panditur ex voto. Egrediturque quem novimus ex templo *D. Horenbeeckium* Gandavensium Præsulem nuper venerandum. Ades, inquebam Præsul optatissime. Ecce me, quo usus aliquando es tam familiariter. Tanti laboris iter cum grandævus viris confeci: ut è calo cognoscerem, quod in terris propè credidi. Quæro piam animam tui quondam, justis ex causis, amississimi Patris *Lupi*.

Tum Præsul, *viræ*, inquit, è *Alethine*. Quam quæris animam non est hic. Adesset autem! ut videret mecum, quod ore non possum eloqui. Tu autem ad terram redi. scrutare viri cellulam: humilem animam reperiens in suo corpore. Cupit quidem dissolvi, & esse cum Christo; sed deliberatur etiam, an orbis adhuc egeat Doctoreius ministerio. Referes ergo hac, & nuntius ibis. Si superiorum Rector nondum decrevit illam è carcere mortalitatis sue eripere: pergat in timore, proficiat in tremore, non desistat ab amore. Certus illi est in calo, ac definitus locus; ubi beatus ævo sempiterno fructur.

C O N C L U S I O

A Bissent omnes, nisi *Wermium*, manu prehensissimam. Atqui quid nunc ago ego? aiebam. Scribe, inquit, quæ vidisti fideliter. A scommate abstine & dictorio. Parce prius tuo nomini. Sed quod aperies, si quid forte, opponenti se cuiquam, responsi des. Ille post alios discessit: ego somno solutus fui.

(157)
PAMPHILVS

AD

LECTOREM.

S Omnium hocce sum. *Alethi-*
nus meus miserat non ita pri-
dem ad me. Rogabat hic, ut ne cui-
quam omnino traderem. Sed, ut a-
mico amicus est semper aliquis,
per imprudentiam ego nimis im-
prudenter lapsus sum. Legendum
dedi, non exscribendum. At is, non
mihi, ut credideram fidelis fuit.
Audio enim typis mandari hoc in-
vito me: quod vehementer *Alethi-*
no displicet. Amicum meum con-
veni oppressus multis magnis an-
gustiis: & si hoc ita est, aiebam,
ut dicitur: si per infidelitatem fi-
dem non servasti, quam mihi de-

bebas tuam; tu insigniter malus es. At hoc saltem concede offenso, lineas hasce paucas, ut ne omiseris. Culpam me magnam agnoscere mea imprudentia. Scandalizatos rogare ut pro me orare non desinant, veniam ut impetrem a delicto, in quod semel jam primū incidi. Non me remittent spero illi, in quorum manus incidero, nondum enim sum consuetudinarius.

ERRATA SIC CORRIGE.

Fol. 14. lineā 33. *Viane* lege *Viane*. Fol. 9. lineā 20. *separabant* lege *sperabant*. Fol. 16. lineā 4. *sa-*
ros lege *Sanctos*. Fol. 20. lineā 19. *tenis* lege *teris*.

FINIS.







